

KODAK Gray Scale


LICENSED PRODUCT

A 1 2 3 4 5 6 M 8 9 10 11 12 13 14 15 B 17 18 19



漢口林取談

ル 5
1307
5



門凡5
1307
5

門凡5
1307
卷5

漢口叢談卷五

烏程 范 錯 白舫

前人漢口詛頗屬寥寥唐劉長卿自夏口至鸚鵡洲望岳陽
云汀洲無浪復無烟楚客相思益渺然漢口夕陽斜度鳥洞
庭焮水遠連天孤城背嶺寒吹角獨戍臨江夜泊船賈誼上
書憂漢室長沙謫古今憐杜牧漢水云溶溶漾漾白漚飛
綠淨春深好染衣南去北來人自老夕陽長送釣船歸漢江
一帶碧流長兩岸春風起綠楊借問膠舟何處渡欲停蘭櫂
祀昭王羅隱憶夏口云漢陽渡口蘭爲舟漢陽城下多酒樓
當年不得盡一醉別夢有時還重游襟帶可憐吞楚塞風烟
只好狎江漚月明夏想會行處吹笛橋邊木葉焮宋王十朋

泊舟漢口云身雖到漢口家尚在天涯明袁中道由艸而至漢口小河舟中云陵谷十年變川原未可分長湖百里水中
有楚王墳日暮黑雲生且依龍口任小舟裾作颿笑語過湖
公吳士良舟阻漢口云朝發武昌城信宿漢江口明月雖可
親依依數株柳潘之恆湏口云漢口至湏口晨昏兩見星開
蓬荒霰白繫纜斷烟青此皆載之邑乘者

黃鶴樓傍斗姥閣左壁有鄂州襍詠碑宋熙寧二年六月所
刊自宋之問漢口詠外李白贈漢陽輔錄事有漢口雙魚白
錦鱗句白居易有上江夏主人詠一本作行次夏口先寄李
大夫王貞白有曉泊漢陽渡詠杜牧夏口詠外又有送王侍
御赴夏口座主幕詠王維送康太守詠有鏡吹發夏口句桵
宋之問詠漢廣不分天舟移杳若仙焮虹映晚日江鶴弄姓

烟積水浮冠蓋遙風逐管弭嬉游不可極畱惓此山川

宋姜夔字堯章鄱陽人姊家居九真山下夔嘗省之夔郎官
大別山水客居久之晚寓茗谿上與白石洞天爲隣因號白
石道人其別沔鄂親友詠佳人碧山下日弄清漢波注楊大
昌正之英英白龍孫睂目古人氣注鄭仁舉次皋詠人辛國
士句恣似阿駒注辛泌克清單侯出機杼豈是劔舞得注單
焯炳文有子殊可人特未見此老注蔡迨武伯堅吾子又春
日書褒四首九真何蒼蒼乃在清漢尾衡蕪依艸木念遠獨
伯姊春來眾芳滋春公眾芳萎兄弟各天涯嗁鳩見料理漢
江出巨奩風雷入驅使安得挾我輶西征二千里又歛楊大
別寺春艸郎官湖家巷有石友合并不待呼瘦藤倚花樹花
片藉玉壺老鄭談絕妙辛楊句敷腴平生子姚子貌古心甚

清江雜記
儒時邀野僧語間與盞工俱酒闌興未了左轉城南隅大江
圍楚碧烟水入元虛流落不自悵惟嗟故人疏一月三見夢
夢中相與娛日日潮風起悵望武昌奠桒子姚子謂姚克剛
縣志鄭仁舉隱居郎官湖上不求聞達善言名理楊大昌居
魯山下辛泌善誦卜築滄浪之曲頗參禪理皆與白石相契
又白石道人歌曲揆春慢詞序云予自孩幼從先人宦千古
沔女須因嫁焉中丞復來幾二十年豈惟姊弟之愛沔之父
老兒女子亦莫不予愛也丙午冬千岳老人約予過苕雪歲
晚乘濤載雪而下顧念依依始不能作此曲別鄭次皋辛
克清姚剛中諸君衰艸愁烟亂雅送日風沙回旋平野拂雪
金鞭欺寒茸帽還記章臺走馬誰念漂零久漫贏得幽裏難
寫故人清沔相逢小窗閒共情語長悵離多會少重訪問竹

鬪珠淚盈把雁磧波平瀨汀人散老衣不堪游冶無奈苕谿
月又喚我扁舟東下甚日歸來梅花零亂春夜又浣谿沙小
序云予女須家沔之山陽左白湖右雲夢春水方生瀟數千
里冬寒沙露衰艸入雲丙午之秋予與安甥或蕩舟采菱或
舉火置兔或觀鴈簞下山行野吟自適其適憑虛悵望因賦
此闋著酒行行滿袂風艸枯霜鶻落姓空消魂都在夕陽中
悵入四弭人欲老夢尋千驛路難通當時何似莫恩恩又清
波引小序云予久客古沔滄浪之烟雨鸚鵡之艸樹頭陀黃
鶴之偉觀郎官大別之幽處無一日不在心目間勝友二三
極意吟賞竭來湘浦歲晚淒然步繞園梅摘筆以賦冷雲迷
浦倩誰喚玉妃起舞歲華如許野梅弄着嫵屐齒印蒼蘚漸
爲尋花來去自隨秋雁南來望江國渺何處新諶漫與好風

景長是暗度故人知否抱幽悵難語何時共灑艇莫負滄浪
烟雨况有清夜唳蟻怨人良苦歷吟諸作其惓惓于漢沔間
深矣

宋陳藏一曰白石道人氣貌若不勝衣而筆力足以扛百
斛之鼎家無立錐而一飯未嘗無食客圖史翰墨之藏汗
牛充棟襟期灑落如晉宋間人意到語工不期于高遠而
自高遠鶴林玉露曰姜堯章學諛于蕭千岳琢句精工楊
誠齋大爲稱賞謂其家嗣伯子曰吾與汝勿如也按白石
自叙云余識千岳于瀟湘之上東來識誠齋石湖嘗試論
茲事而諸公咸謂其與我合也千岳愛其諛詞妻以兄子
白石諛精潔蕭散譬諸古琴音韻清越至其諛餘清虛騷
雅爲南渡後第一手空梁內翰愛其諛似唐人謂長短句

妙天下也復工書石湖以爲翰墨人品皆似晉宋之雅士
當在名公鉅儒莫不折節願交海內知己亦不爲少矣然
猶不免窶困無聊布衣終老沒後葬武林之西馬塍穰石
窆輓之云幸是小紅方嫁了不然唳損馬塍花知不足齋
鮑氏刊有陶南邨手鈔白石道人集釐定諛二卷詞四卷
鮑綠飲攜以見貽余少失學長以貧故飢驅楚蜀幾三十
載矣每于山轎水船燈窗邸舍輒手此編長吟短諷爲之
神徃少抒逆旅之衷而漂零之感又不禁爲道人慨嘆也
嘉慶己卯自蜀東下留漢上數月過月湖滄浪館十年重
到黯然而夢因賦疏影一解云窗開四面占一湖婉孌欄
繞屏轉幾抹嵐低淡寫睂眉時向鏡波凝盼問誰新築滄
浪館悵石帚唱斟人遠奈挂飄萬里歸來此日頓明雙眼

回首長隄翠柳正千縷百縷搖動風軟便有飛飛歌燕吟
鶯可解客愁淡淡呼移小艇空濛裏好去覓舊時漚伴只
怕伊嘆我飄零十載鬢絲驚換迨返里門爲陳抱之題白
石道人遺像調寄翠樓吟云弱不勝衣清堪鑑影蕭然晉
宋風趣須看千古在又何用商量金鑄新聲時度正句妙
雲飛韻嬌花語消魂處小紅低唱玉簫親付記取衡麓游
輓甚黃精粥噉負他仙遇菟裘仍未了嘆貧累一身無主
才名多誤贖畫軸又懸瓣香鑪炷西廔路翠禽嘯斷碎烟
零雨

又核單煒字炳文沅陵人博學能文得二王筆法字畫適
勁合古法度于鼓法書尤精武舉得官仕至路分著聲江
湖間名士大夫多與之游自號定齋居士與堯章投分最

稔亦韻士也香祖筆記同時黃岳老亦號白石亦學誣于
千岳時稱雙白石云

宋陸游劔南誣鈔舟中偶書云老子西游萬里回江行長夏
亦佳哉晝眠初起報茶熟宿酒半醒聞雨來漢口船開催曼
鼓淮南颿落亞高桅四方本是丈夫事白首自憐心未灰
明徐楨卿迪功集將發夏口云鸚鵡洲邊生葺烟旅人南望
思依然盡道巴陵湖水濶殊風莫渡漢陽川
那昉石自集離漢口云旅舟泊漢水荏苒至寒節朝看楚雲
興莫觀楚雲滅此地雖破殘井街稍成列錕鱗日充市倉鮮
每豐潔客心復何苦遇物轉淒切茲辰忽返櫂脈脈情內熱
風土漸相諳山川屢回折故鄉豈不裏信美亦愴別未逢漢
陰老令我憂思悒

國朝查慎行敬業堂集漢口云巨鎮水陸衝彈丸壓楚境南
行控巴蜀西忒連鄖郢人言襍五方商賈富兼并紛紛隸名
藩一一旗號整駢駢驢尾接得得馬嘯騁俶俶人摩肩蹙蹙
豚縮頸羣雞叫咿喔巨犬力頑獷魚鰈醒就岸藥料香過嶺
黃蒲包官鹽青箬籠苦茗東西水關固上下樓閣迥市聲朝
諠諠烟色晝冥冥一氣十萬家焉能辨廬井兩江合流處相
峙足成鼎舟車此輻輳翻覺城郭冷黃沙撲面來却扇不可
屏稍喜漢江清浣紗人見影

潘耒遂初堂集漢口云漢口通江水市斜兵塵過後轉絲華
朱費十里山兇掩畫艦千檣水道遞北貨南珍藏作窟吳商
蜀客到如家笑余物外無營者也泊空灘宿浪花

吳淇云雄鎮會聞夏口名河山百戰未全戛競流漢水趨江
水夾岸吳城對楚城十里颿檣依市立萬家鐙火徹宵明梁
園思客徧多感直北蒼茫是汴京

潛江朱悔人載震同石城公牛潛子炆日漢上云激波炆柳
帶明霞葑屋參差野老家江轉危磯奔駭浪邨隣小市綴疏
花河魚入饌偏堪飽濁酒能酣不用賒羸得山公清興在停
驂閒數後樓雅

江都趙柳江有成抵漢口云孤征窮水驛今到漢江頭澤國
舟爲市人家竹起樓烽烟消鄂渚士女習巴謳始信湖湘美
山銜萬井稠

江都許鶴坪錫齡晚渡漢口云霏消才見日風定恰移舟波
影連三楚人烟劃二州亂山臨岸斷灌木隔江稠回首陽邏
地蒼茫正拍浮

進賢饒蔚宗守樸漢口夜泊云蕭蕭孤櫂客裝輕棹興維舟
漢水明地勝高樓留夜月江空細浪作秋聲平鋪艸色覓渥
集亂織烟光舴艋橫把酒總添鄉思切春風回首灌嬰城
休寧戴景韓文柱春歸日得楚白姪漢口書云骨因傷心後
天涯淚暗揮家貧歸不易別久事全非買竹春燒筍逢花畫
典衣姓川高閣上誰與對斜暉

王蘭泉昶蒲褐山房詠語嘉定王元勳字叔華乾隆戊戌進
士官徐州教授著有易圃詠鈔漢江秋望云波光天影兩空
明雲外迢迢過雁聲颿帶夕陽歸夏口山連秋色到樊城銅
鞮誰唱當時曲鐵鎖空餘弔古情欲訪滄浪瀨父蹟濯纓聞
對漢江清

又江都江昱字賓谷號松泉諸生漢上喜李嘯邨聞涿至自

潯陽云蕭蕭木脫晚秋天燈影高樓枕手眠春雨獨聽三楚
雁東風忽到九江船詠篇作計寧長策行李隨身是夙緣萃
聚他鄉休感慨顯襟贏得綠尊前

隨園詠語賓谷在漢上寄書屬家人山莊栽樹云老松菟裘
身後家他年都要此中來何言之親切而有味也漢上喜晤
汪丈云他鄉執手感前盟白髮頽眉鬢變髮問舊可堪皆後
輩抱書猶記拜先生漸成安土如秦贅別後添丁盡楚聲客
况中平誰復道一尊寒雨故人情

吳縣沈泰字蘆山和王櫟門春雨排悶詠韻云一從元夕到
花朝迢遞陰霾過宋膠封屐泥丸行處懶扶筇芳徑坐來消
孤檠夢醒迷鄉路一縷香濃篆綺寮又是天涯寒食近淒清
淡巷聽錫簫駘宕春光一半過杏萼無力已辭柯濛濛窗靄

鶯聲急瑟瑟簾波蕩語多夢亦長貧安冷澹身奚久客自蹉跎百年能幾分陰惜不待當前喚奈何

黃承吉字謙收號春谷家歙之西潭渡邨人籍江都丁巳領解後成進士出宰粵西引告歸客漢上久論說以精彩骨力之辨甚嚴有夢陔艸堂集其烟波詞八首之末云紅塵鬢鬢市如雷獨有野人心不猜雲夢採將香豈至江陵網得鯽魚來通津十里住鹽艘怪底河中水不流解道人間估客樂來朝相別下揚州此二首謂漢口也

雲夢許兆椿字焮巖與弟兆棠字召邨一字石泉先後入詞館召邨早卒焮巖官至漕運總督有焮水閣註鈔漢口舟中和召邨作云五湖汎宅計猶賒擊楫同登漢上槎在味漸諧知老大鄉園欲近問棗麻隔邨樹杪馳颿影逼水隄槐動浪

花無限心情同着眼可憐倚櫂聽慈雅

武陵楊湘巖瑞貢生司教安仁漢口註云大別山前水倒流令人惆悵憶孫劉書生竟有吞吳計天意何曾為蜀謀楊柳旌旗江上酒仙人黃鶴水邊樓也知興廢尋常事獨有閒情狎水滸湘巖妻趙月萼孝英一字玉畦妾魏芳貞皆能註善作小楷

何卓彞熾九江人久客漢皋負鹽混跡曾預甲辰註會余舊于鮑筠莊兆瑞寓館錄其社日憶蕪三絕云記得當年傷母飛呢喃絮語影相依如何自解成巢日零落空山不復歸浮生聚散豈能無春去秋來亦可娛長別何堪當老大再難營壘待新雛空梁宋漠負芳辰啟戶寒簾枉費神三十三年春夢醒眼前誰慰白頭人苦語酸辛託之社燕不堪多讀

漢中叢書
仁和姚士銘字朝宗號達蓬山機著有楚南游艸未刻藁藏
蔣蔣邨參軍處小滿日漢口舟中對雨云今朝逢小滿好雨
及時傾著水開圓影飛空作碎聲雲迷江夏樹烟鎖漢陽城
待到昏黃候天清月更明舟發漢口鎮云漢口雨餘天關開
競放船霞光橫遠嶂日影焯姓川颿正因風順舟輕得路先
逢窗頻眺望菜麥繡平田

方岳夫軫一字東山歙西靈金邨人諸生品高神雅學博文
工家有藏書復少游于程瑤田先生易田之門又爲晞原先
生長子師友淵源家庭授受與在俗迥別而愛才心切善與
人交大有庇寒廣厦之風以先業在漢時來寓館雖處囂塵
中閉戶操觚吟聲不輟嘉慶丙寅余獲訂交相與攷研經史
討論往還無十日違也丁卯冬天嚴寒君寢未興聞窗外雪

聲大作驚曰范叔得無寒乎急遣人貽以羊裘庚午余爲兒

子濤

納婦賃屋維艱君聞之指所居後宅修飾畢具招留棲

止歲餘時君業已僨猶眷注于友朋如此是焮君歸歛折柳
河梁依依忍別各賦五言古三首竝約後當延余授經于東
山讀書堂次年冬余赴巴山轉徙入蜀音問遂隔甲戌季冬
余客槎爲忽聞凶耗不禁涕下霑襟嗚呼四海茫茫知心有
幾喪我良朋能無悲慟除夕前五日鐙下作輓誄四首有攷
研經史分鐙火嘯傲江山遣歲華江邊記賃梁鴻廡雪裏曾
貽范叔袍鳥道蟄叢慙間隔素車白馬哭蹉跎礧敲哀響飛
空院謂如君少寡雁帶酸聲入曉天謂令弟牧夫起謙之句皆紀今昔情
事又句如何一別紛如雨忽動牙彳頓輟嗟想到交情千古
泪蜀鵲嘯血助悲號九原若問棲枝意雪虐霜饕不改柯心

盦曰眞聲聲酸詠也

汪均之云予嘗言如岳夫者補天地之不足平豪傑之不平培生民之元氣者也其推重如此

岳夫述襄誣馥馥幽蘭輝濯濯青蓮藥各自裒素心馨香欣密邇雖云細艸質可以喻君子流澤延春崖芳蕤被焮水終朝誰采采惠風扇棗梓驅車遠行役朔氣揚沙塵暑連誰從游劇孟誰與隣撫劔增慨忼倏忽五十春寧將息高足長揖要路津舊嘯良可裒慨然思隱淪征蓬無定輓歲月何驥驥舉在在多賢豪遑惜乏知音奇文盈篋笥字字當南金卓哉一在英緬裒千載心引領發羈思寤寐感所欽何由寄芳躅朝市與林藪何由慰素心蓋書與美酒開徑延松菊策杖追良友豈無壯遠裒息機甘隴畝高風誰企及拭目瞻山斗又寄

心盦云相逢無子野何處聽鳴琴夜月江皋冷焮風淮水淡幾年思遠道極目仰高岑天際碧雲盡空餘千里心阮籍能豪飲陶潛媿折翳鶴身無俗骨芝艸本仙苗笑傲尋風月興裏賦葛蕭澹澹不可接焮水正迢遙

巖夫顛余茗谿瀨隱圖云夕照澹疏林幽興忽不已孤權汎烟波緣谿釣焮水焮水清且廣夕鳥下汀沙一竿收未穩風起亂茗萼相將棄塵慮歸權江湖去只有捕鱖人淡識桃源處二月湖水生八月湖水平渙翁了無事日日結漚盟諸作淡得騷選之旨

吳澹止裏程浩亭訕歲云徂矣雨雪霏裏游子兮胡不歸登高臺兮遠望違江水寒兮漚鷺飛流水鳴鳴直東去寒風蕭蕭白日算行客無非江上停今夜停舟在何處浩亭名

瀚歛

漢口叢書
人籍霍邱諸生溫雅冲邃內介而外和于人無所臧否詆文
清麗初來江漢館于洪氏當時蟬藻閣紅薇山館倡和之盛
亦常與吟集黃心盦題其紅蕙綠桂圖序云嘉慶丙寅喜晤
浩亭追維疇曩僅我兩人頑健如昔因賦金縷曲一解寄慨
詞有低徊二十年前事翦寒鐙夜長讀畫小窗花碎玉輭香
溫圍錦繡高會神仙此地渾老盡美人名士之句今心盦逝
世而浩亭年已七十精神矍鑠猶客漢上引年尙齒具見前
輩古風

林琴庵

棲鳳

字桐岡儀徵人飭躬端穆物我無忤和霽春風
之氣溢于眉宇極嗜吟詠愛才若渴至于風月江山登臨觴
會興益佳客漢數年余時館于吳氏之攬蒞山房與君叁咫
尺故往來甚密酬倡亦夥新雨聯吟落枝倡和之刻蓋庵之

力居多同人鑿園看桂云秋色美無度平湖共放船香颺催
桂粟疏柳散邨烟越陌紛車馬開尊命管弜琴臺畱古蹟花
底啟芳筵山水曾無恙知音客自邀壁註多我輩鴻雪各天
涯痛飲瀝巾酒貪看招隱花扶顛判淡夜莫問夕陽斜讀此
誣卽可見此老興復不淺

琴庵同人梅子山納涼云六月江流平漢漲遲不起沿洄度
月湖清淺碧何爾赤日鬱炎蒸尋涼隔湖水舍舟躡雲梯振
衣上梅子遠公若先知淪茗早相俟真香滌塵煩微言參妙
旨寓目倚南窗千颿逐雲駛悠揚大別雲峭嶠菴卉木林隱淪
往棲息惟此嵒壑淡亭陰竹樹白日長陰陰引領陟絕巘
豁然開我襟松風弄澗濤澗水鳴幽琴身心寄閒逸違念違
琴筵一賢蹟云杳高潔安可尋衰稟獨延佇明月來孤岑又

已巳上元後一日招集梅子山看梅同用楊鐵崖花游曲韻
邀同心盦白疇登黃鶴樓惕歛崇府山之靄園同心盦穀原
白疇小舫喬梓竹軒湘嵐兩僧天都庵納涼小歛白樓看月
皆首唱賦誼同人屬和自琴庵返里花宴吟尊久歸宋漠余
亦奔走巴蜀十餘年來音書杳隔迨余重客漢皋晤吳月品
承語言近得林丈書訊及起居云頃聞林丈年逾七十步履
如常頤養天和家居怡悅因知人之渾厚和平者方可受人
間福也

時梅子山僧出示王櫟門手書月湖一絕云沙禽拍拍如相
引芳艸都無跡可迷昨夜扇風散疏柳一痕低露郭公隄風
調絕佳又殊日過朝陽庵用壁間韻有湖水漸如冬日涸山
峯猶坐夏雲看之句又吳小韓陪王明府集朝陽精舍句不

勞飛旆西園集已是清尊北海傾余恐日久佚去故錄之
黃心盦名承增歛人偉貌修髯交游甚廣工作誚詞文思斐
然嘗往來于藝北汴梁三湘吳下所至公卿倒屣爭相延致
爲江湖上客而操觚染翰之士亦無不願交于心盦也兩游
漢口皆與顯襟雅集雖參末座已有慘綠少年之異丙寅復
自淮上來僑寓痘姥祠僕僕半生鳥將飛倦遂有終焉之意
值余重客漢上因通編紵自後吟尊花社酬倡日增頓著黃
范之目每推敲過市人咸指而覩之似以爲兩異人耳然余
寡學拙能拘于孤傲癡木訥樗散早成而心盦則具應弄
之才高設雄辨四座俱傾大有意氣公然籠罩人之概乃忝
齊名殊可媿也心盦偶語及漢口曩日前輩風流渺不可再
輒撫腕嗟嘆余曰四美二難不可兼得人固知之而中寓盛

衰之感人莫知也數十年來君閱歷已深矧擅文筆曷不紀
之心盪頷笑四三遂有漢口漫志之作中載生平交游倡和
居多得二十三卷未竣而卒悲夫先以無子在漢續娶徐氏
生女二子一名錫疇才七歲

漫志歲在甲辰王蓬心宸司馬宐昌徐袖東觀海司馬武昌
顧牧原駟司馬漢陽家伯氏默谷燁照前任廣州司馬皆以
書畫誣文迭主壇墀文采風流照耀江漢又得徐敏庵刺史
荀龍畢花薑明府襄圖儲玉琴魯星郵兩明經爲寓公倡予
和汝振雅提風同時騷客詞人書家畫手莫不爭自礪淬羽
翼附庸下至名優妙伎胥各售其所長更莫悉數上以佐鼓
吹休明之盛下以樂禮教富庶之風漢上人文自當蔚然
興起矣

又明年乙巳修禱于紅薇山館爲巴蓮舫彭董門主集山館
董門之寓也同會者爲吳澹止元白門汪艾塘何卓壘江
春甸在川昆季江杲樓汪心冶許相屏胡城東程浩亭家鹿
峯及余伯兄冰澳仲兄赤城卽席以唐常建三日尋李九莊
諷分韻記楠屏得人字有座中今舊雨畫裏淺深春之句足
稱揆驪得珠是日南烹北饌京檔吳伶復有老清客周仲昭
陶天齡輩兼十番汰部皆極一時之選自辰迄亥文酒笙歌
盡歡而罷巖務中如此風雅領袖藉以歌詠太平真是不可
多觀蓋漢上巖業乃淮商舟運歲類分售湖之南北司其事
者半皆叟記所謂張湯與賈人田甲錢通注亦漢書羅裒爲
平陵石氏持錢者也昔風淳厚事寓仁慈以此例分桑梓更
益條單所有恤貧周急惠及窮黎寒峻正復不少加諸賑歎

援災爭先首舉東南財賦亦得藉以栽培絕無燬炭雪中積
花錦上之念存于方寸是以在享豐腴代傳書禮天心善善
十倍于人其報施之厚自絲縷不爽也今則反是漸形衰薄
何哉

又元煥樞字子政號白門其先避讐改氏危後始復姓淹雅
多能爲楚材冠冕授經于巴蓮舫寓益以諛文書畫相雄長
予贈白門句云微之廊廡功名晚漫受文章山水多十年以
往白門墓木已拱蓮舫旋亦淹逝壇坫一空遂使山川減色
而白門遺集在少元中鄙恐等付雲烟過眼耳嘗題余豆花
炆柳幘子句云涼雨半窗邨店酒夕陽三徑野人家清幽似

畫
按許相屏煥以孝廉作鳳陽廣文官冷署閒益得肆力于

著述今老尚健飯胡城東長庚工古篆得鐘鼎筆法妙絕

天下自錢十蘭坵後罕見其匹余于常芝仙容齋居見之
著有木雁居士集巴蓮舫慰祖好學多藝工隸書兼善技
勇業齋漢上愛才好客四方著名之士道經漢口者無不
相推僑札之好一時題襟雅集傲之天津查氏邗江馬氏
蓮舫逝在風流歇絕已數十載安心庵漫志思緬幽淡感
慨係之也

又嘉慶丁卯有新雨聯吟之集自春迄冬凡四十集倡酬前
後凡二十餘人雖無珍錯之筵管弦之盛亦極一時風雅也
方巖夫軫序云心盦以丙寅中夏與余遇于漢皋見其所存
篇什率盈篋其已梓行者則有淮上題襟集吳下朋箋小錄
大梁偶成倡和諛鈔其餘篇簡髣髴類同東筍未遑檢治矣

今歲上春陰雨連旬心盦得誚十首且復徵和遂連彙成帙
卽以付梓後有所作悉附益之目曰新雨聯吟嗟乎半生羈
旅萍水堪親翹首停雲思心莫慰今茲新雨安忍置諸故投
分則隨地可以追歡摠情則倚吟不勝感舊異日心盦之舊
雨覩此其必有聆風而興感者矣是編成余爲述其命篇之
意如此

又丙寅余由淮客漢與岳夫倡和成集汪均之鑿序之畧云
嗚呼交道至今尙可言耶查間讀書男子安得輕財而尙義
多能而愛才盡如岳夫其人倜儻雄偉不忘舊誼如心盦其
人耶然則是冊也其第可以誚論耶予又安得無言耶
又岳夫尊甫晞原先生矩親賢好學專力誚文少嘗游于江
慎修方樸山劉海峯諸前輩之門獲聞緒論是以學醇無襍

而于交游死生如一能任其急難著有以彙集題王櫟門蕤
來巢圖兼以志別云先生真大隱卜築臨塵市瑩然玉雪姿
高風追古始機心久已忘矧迺機事爾安得如棲蕤結巢傍
君子朱文正公珪王丙午江南鄉試時自決必能以第一人
取晞原而晞原時已不赴試後又四年卒性和易寡怨尤有
古學者風

又程執齋紹允博學工誚爲宣五先生之孫孝子旨泉之子
也吳鶴關黃山紀曰序畧云康熙壬辰歲八月壬子朔有三
日甲寅邦治載筆墨自漢口登舟啟行與程宣五約爲黃山
游又程家歙西之寶邨鶴關寶邨誚有翠蘿石上橫吹笛紅
樹林中坐釣魚之句宣五病旨泉剗臂因和藥以進事具鶴
關誚後汪均之作傳執齋時來漢上性敦友誼卒于丙子之

春余輓以聯句云定交逾二十年憶昔拭芙蓉斷鐔瑩鷓鴣
膏頓令青華長價雖竭來聚散頻經總數見能鮮况真庇寒
士俱歡顏我亦在萬間厦裏其源出三百首卽今聽謝豹哀
鳴浣薔薇露難禁紅雨傷神念此是性情所寄觀每變愈上
應不死名山傳盛業魂堪招兩卷誣中起句謂昔見予古劔
篇謬賞而訂交也結謂在漢以自定誣藁兩卷屬予選校旋
病歸里未幾逝在故云

按執參古貌古心雖託蹟市囂而愛才賦詠亦慎于交接
與余漢上往來必畱談半日恒不忍遽去者自余壬申遠
赴巴山復入蜀數載忽驚訃至嗟悼屢日令嗣芥坪泰生
機警多才識與心盪及余交在紀羣間甚密也辛巳心盪
歿于四月及焮芥坪以病卒于漢口寓參時年五十僅享

中壽惜哉

錢塘胡戟門晉以軍功補新灘巡檢調涖仁義司時淮之南
北頻歲水滂逃荒者以什百計乞食武漢間內有無賴子恃
飢民之名率婦女橫逆漢口市屢不勝其擾大府慮成羣滋
事檄飭盡驅出境戟門陰念驅此此離又以隣國爲壑聞江
南春稔莫若計其人口給貲俾歸就食因出俸餘室人徐氏
亦脫釵珥付質廬好義者咸捐助乃爲買江船具糗糧悉諭
登舟歡呼東下程浩亭有誌紀之云有丹起死不爲難難在
貧醫囚宥剗百四十人齊得活一時謳頌徧江干

吳芍圃句一字灌雲個儻好義邗江有貧女年十四五隨其
父母來漢投所親不遇斷炊鬻女誤入狹邪灌雲聞之急告
戟門斷贖身券其價項已半付旅債灌雲慨然資助免墮烟

花且復給費使歸真盛舉也

瞿震亭學誣字以南歛人年十二作黃山賦數千言以進士出宰未幾告歸嘗語人曰惻隱之心不必擇人而發擇地而施卽罷前凍餒之人隨分隨量以濟之便爲天地補缺陷爲君相廣仁恩聖賢胞與仙佛慈悲俱不外是也豪華溫厚之家縱歌舞拓寺院能省一席之金錢卽一椽之土木便可拯飢寒于溝壑完骨肉之流離至于英傑窮途才人落魄扶一人之危困可爲濟渡億萬人之想基如謫仙救郭汾陽張翼助李衛公慧眼熱腸古今獨絕

黃赤城承煜客漢日久曾與巴氏吟宴之集嘗有謝暖寒會招歛啟竝小序云開天遺事載長安富人王元寶每大雪之際則命僕夫婦霽開徑迎揖賓客歛宴爲暖寒之會予意當時之士必有贈言今膠膠無聞爲補謝啟一通予且有慨于後來猗頓白圭之徒但能居奇挾貲作守錢奴耳不則艾蝦婁豬甘貽其耻若王元寶之豪舉韻事蓋未易載也噫投轄留歡不媿陳遵名下士傾財結客居然郭解一流人當六花舞瑞之時開三徑迎賓之路閉門高臥竟無車轍到貧家折柬消寒遂有紀綱來陋巷而且屏開雲母座疊氍毹促席飛鷗水陸盡珍羞之美分曹射覆笑談皆韋布之徒飢來驅我女覺古人如陶徵士乞食爲勞諸家憶所歷卽時賢如杜陵翁負薪不免愧某非操觚之彥惟君誠貧殖之雄分暖嘘寒克賴肌骨伸箋呵管敢布腹心晉公子受飧返璧禮慙未荅于微時韓淮陰一鉢千金恩願必酬于異日

方岳夫作梅花水仙盟詞曰黃山谷水仙誣山礬是弟梅是

兄夫山礬何物不值與二君作奴耳廼敢列鼎足而叙雁行
擬人不以其倫此老未免荒謬予因黜山礬而進兩君子室
復重聯伯仲以洩我不平而爲之作盟文其辭曰天地日月
上下臘雪在前春風在後罔不證盟我凌冰君負雪此日幽
芳人共說君調鼎我息機異時隱顯心莫違

巴連舫慰祖風雅好交爲漢上鹽齏中第一著有蟬藻閣集
不及一見令人企想僅記春柳四首句云翠看畫入張郎筆
青眼窺來衛玠車最消魂處絲絲雨聊遣愁時沒沒風嬌淚
滴乾疏雨後清詞唱罷曉風前皆婉約可誦

洪石農先生範居歛之桂林邨善篆隸工六泐屢困秣闡棄
爲書記之士福郡王愛其才藝待以重客嘗從征後藏出塞
一二萬里所歷西番各部山川險要戰守形勢悉繪以圖上

相籌邊可資指畫磨盾艸檄倚馬賦詆又其餘事也以蘇尹
微僚立功絕域旋擢松潘同知洵守同州引內諱歸服闋補
山東曹州府陞任運河河庫道余嘗謂叙功不愧勤勞之實
居官無慙清慎之名惟先生有焉

陝西同州府爲唐白太傅宦游地郡有白樓石農先生書畫
劄署印文曰白樓過客其和易近人處亦似香山自同州丁
艱回里道出漢口值炎威熾甚小住數月其行館與余寓攬
蔗山房僅一垣隔杜門如軌日以翰墨自娛間于雨後輕涼
隨一奚童小步後湖綠陰隄畔布韞青鞵依然寒素見者不
知其珥孔翠列朱旛曾爲二千石也復喜與寒士交余因得
識韓居相近往來過從無間先生或時設酒菓招方岳夫常
芝仙暨余談詵論畫甚相得也偶言及黃穀原擅于畫泐先

生翌日卽渡江訪之其愛才如此

余少未習書迄今爲憾或與朋儕酬詠每一援筆輒覺愧汗交流而于書畫又有癖好家貧無力購藏然遇價少減者雖典衣負貸不吝半生浪蹟江湖間聞有擅書畫誣文能事之士不揣貧陋必爲傾心交識石農先生言曩在都中琉璃廠得古宣紙一幅暇畫山水差可人意惜幘首破損皮冒篋笥久矣余聞請閱半晌檢出蒼老渾厚中復具秀潤之趣乾溼筆都有法蓋傲麓臺而得其神者余見之驚喜欲狂揖而乞之急付囊潢什襲藏弃爲墨寶云

方岳夫招同曹問林黃心盦出游漢陽郊墅因雨阻不果移席洪石農先生寓館聽說書者周在谿說紅樓夢野史數則是集也觥籌履舄雅極纏綿各賦十絕句紀事心盦詩云流

紅未可付春漪合築香泥葬玉肌傳得女郎情態好教人一倍惜花枝杏子櫻桃且慢肥柳綿榆莢莫輕飛欲將暮雨瀟瀟曲翻作花開緩緩歸余作云葬花人獨荷香鋤聽說紅樓一卷書試問阿誰能遣此傷春那不渺慙余爍賦槐黃看拾才待君祕籍校蘭臺也須先解文園渴鋸燭金尊醉百榼時岳夫將歸江南赴試故云漫唱玲瓏四犯詞不爭日暮漢宮諛姓名倘入江湖集腸斷江湖酒醒時先生讀至此首再四吟諷曰大有遺韻繞梁不僅風調佳也嗣問林岳夫心盦相繼祖謝先生遠泣山左余猶旅食漢口老作江湖之客回首前歡宛如昨夢能不黯然

曹問林侍墀字曙階歙貢生性純和好學嗜誣爲岳夫外舅嘗館于鮑筠莊漢上寓至賓主倡酬始無虛日新雨聯吟落

枝倡和之集兩翁皆與詛會與不少衰

鮑筠莊兆瑞字輯玉歙人以巖業客漢雅好詛咏每于春季花時必高會吟朋觴歌竟日嘗得銅雀瓦研邀同人賦詛余作長歌以紀筠莊于同人中最高溫和真率有長者風每遇寒素絕無驕吝色

洪旃林檀字少弓業巖漢上閩在矣遂著邑籍近移家居仁坊新築亭館軒窗窈窕樓閣深沈頗饒花木之趣主人名之曰誰園蓋寓達觀意也辛巳春初積雪乍霽折柬相邀同程浩亭常芝仙登問青閣賞雪瑤璣璐霰紛飛于梅香竹影間釀玉碎絲歌郎一曲迨夜分始散芝仙賦詛余與旃林和之余詛云訪戴誰園路同雲望杳漫雪深迷徑曲樽瘦傲春寒燈影明高閣歌聲繞畫欄勝游良不易莫却酒杯寬

錢唐金虞字長孺以舉人任孝感縣薦舉博學鴻詞著有小樹軒詛集八卷殿撰牲字雨叔其弟也漢口云津樹曉蒼蒼雲開見漢陽朱樓三十里一半洞庭商

仁和陸飛篠歛丞藁七月十三日夜同櫟門香林漢渚納涼分得應字云何處消殘暑江空霽色激船移焮湍駛市遠夜涼增明月沈負網紅藻亂水鏡時僧人作孟蘭會于湖中放燈復同河朔飲

酣醉也相應霖雨嘆云歲行在已客在楚自春入夏恒雨若竹壚土鏗烟不起屐繫鞵丁斷難著瓜壺易夫滋味劣酒盞不空衰衰悲三夏月黑唬鬼車當畫雲陰誼豹脚漏天竟日酣歌鐘甕益盆罌苦按索卑陂漸沒高垓湮蜀江漢水兩汜法街衢宛轉置畧約牀榻虛明漾鈞綸繞隄豈止一萬戶參差席片紛魚鱗提攜遷徙復何在屋脊半露波濤翻富人多

在高隄住桀棟連雲不知數天都庵竝觀音閣盡是尋常行
樂處才見江邊霽影開已聞絲管入雲哀禿襟小袖爽涼出
酒舫鑑船看水來

餘姚周喬齡號耐士嘉慶己未進士曾刊有楚游艸漢皋云
日午層陰散春光麗漢皋依欵岸上松與遠峯高解佩綠
誠幻題襟興尙豪鄂中多雅調莊鳥亦風騷

曾賓谷先生煥官兩淮運使時愛才士宏獎風流照映江
左嗣按察湖北則詳愼獄刑殷勤民瘼政暇亦不輟吟眺嘗
屬黃穀原製招鶴亭圖汪均之作序黃心齋約余賦誚卽用
先生集中寓鶴篇原韻余誚有惟公春霽顏常怡幃帷行處
宣猷爲謝壞風高思政績庠樓月白鑒心期出處原無分此
彼古賢易地皆然耳好將鐘鼓樂平泉且緩巖岑尋角里清

簾疏簾愛靜幽隱囊紗帽暇休止之句先生所作漢陽柳枝
詞甚佳余與心齋亦有和作余誚云年年吹綠上枝新漸弄
輕陰漢水濱洞口桃花無一樹費他搖曳獨句春妖韶幾樹
倚斜暉曾送郎行尙未歸昨夜春風樓外望水香露影冷侵
衣烟波灣裏綠侵門水繞農家別有邨妒煞一箇明似鏡曉
妝長與門眉相楚王臺榭久荒蕪烟鎖千條傍月湖猶作細
鬢宮女採幾番眠起不勝扶

金手山

學連

吳縣人誚文敏贈久困棘闈偕江右陶香泉

本

忠館于賓谷先生幕中均以翰墨見重時過漢上與余爲莫
逆交二君皆工長短句以是誚會外復增詞社郵筒倡和淺
斟低唱之興亦不減柳屯田也嗣賓谷先生調涖粵中香泉
來寓痘姥祠手山寓于常芝仙書齋酒歌花詠昕夕歡聚者

閱月手山將歸廣陵黃穀原作漢江送別圖以贈余賦南浦
一闕題後云姓雪破江梅正春初引動吟囊如此何事放蘭
橈愔愔又新惹別離情味從今最是二分明月閒愁繫只恐
軟紅塵欲染腸斷玉簫聲裏回思逢雨鞭霜嘆年年供作枕
中游記相看各魂銷征衫上多半洒香花淚輕颿挂矣綠波
南浦空凝睇縱有丹青工點筆難寫夢痕千里手山答鱸之
前一日過余攬薛山房挑燈話別不覺吞聲而哭其篤于友
道如此次年得尺素一通竝錄示近作誣餘十數首後余旅
倉樅爲九鑽巴火迢遙吳蜀音問久違停雲落月之思時縈
夢寐也

陶香泉字定生南城拔貢庚午僑寓漢口以乏嗣營置妾因
致旅困無聊一日出示湖上晚歸感賦二律余于燈下和荅

竝解其憂云野寮茶罷葺烟霏緩蹶姓沙輭路歸一抹殘陽
紅上閣滿隄新柳綠侵衣鸞花到眼季季悵客旅驚心事事
非莫唱江南腸斷曲有人水驛更依依謂于山 誣瓢酒榼半
肩幽料理明朝郭外游入在空裁鸚鵡賦尋春且典鸛鶴裘
醉將花月新聞補名擬江湖小集留笑我不才甘自棄尙多
牢落起閒愁未幾香泉赴施南譚太守之招居歲餘從太守
來省垣復得歡聚兩月又受沔陽之聘主講書院別余去辛
未冬余游巴東舟泊仙桃鎮作誣寄襄云晚泊仙桃鎮收颿
對落暉年豐邨米賤水淺市魚稀客路江湖遠吟朋咫尺違
那堪同况瘁歲宴未能歸從此睽隔候經一紀前游回憶不
禁淡離索之思矣

臨洮陸秀三孝廉

芝田

誣文瑰麗雄偉硬語盤空時有驚人

之句嘗館于素方伯署與長洲顧劔峯日新過漢上必偕

余暨芝仙尊酒論文清設半日漢口有王氏女色麗而性慧

鍼繡絕工復解書數因所遇不淑得風痰疾遂大歸母家醫

藥數稔已瘳十之七八年二十餘矣母以老病二子皆不肯

願以給侍文人秀三聞媒妁言欣然請往相之大悅脫玉佩

以贈諷吉輿迎定情之夕熊兩溟士鵬劔峯芝仙穀原王子

若應綬咸賦詛貽賀女亦解誦依依筆研間若有所喜者余

爲製八寶妝一闋贈之云渴解文園一甌瓊液邂逅漢皋仙

子迎得七香車乍降不礙盈盈江水分明人在鳳樓吹緩秦

簫萼燈雙照銀屏底今夜合教妒煞風姨月姊從此寫韻軒

開聽誦讀書銷魂真箇誰似可知否彈詞絳帳更添了十分

春事恰初放芙蓉並蒂綺窗凝睇嫣然媚待譜就新聲尊前

看作簪花字時秀三三講勻庭書院故有彈詞句居未匝月

風疾復作晝則啟窗開鏡顧影自憐夕則妬語不眠笑曉都

有秀三不堪其擾召其母而告之母泣曰此女惡業始種自

前生不知今在伊于何底嗚咽呼輿載之女乃粹飾微笑奉

簾偕母登輿而公余爲嗟嘆久之真不識是何因果也秀三

許其母云若度爲女道士當措庵居費然仍處母家作鍼繡

無恙已卯夏余自蜀歸滯漢事隔十年偶值王氏隣人詢知

王姬病故女爲其兄舟載他往不知鬻于何所嗚呼紅顏薄

命自古有之然未有若此女之甚者也倘天不使其染風疾

定早幽抑死矣秀三聞之又將何以爲情

壬申之冬秀三將赴都中以余旅會巴東紆道舟游宜昌抵

歸州度歲癸酉人日鼓櫂訪余巴山之東西瀼水間樓閣番

下榻攜酒山游翦燈夜語暢聚十日余有鄂渚揆春經歲州
巴山語雨故人情之句秀三言秭歸爲屈子之鄉屈子降生
于孟陬庚寅今正月二十有二日正值庚寅百年罕遇若爲
我輩而定者當偕同人祝于祠下余以塵牽未及踐約因寄
桂棹一器聊作清供竝賦湘月詞以紀云叢祠烟雨問靈均
尙有姊歸邨路迤邐迎春風漸煖正值庚寅初度玉劔摩雲
珠旗拂月彷彿神容與才人千古壽宮誰是能賦想見芷影
臨谿桂萼醜酒百艸陳庭廡載得漚朋兼鷺友一舸揚波如
鷺舞可傳芭歌真繼雅莫誦招魂句峽山夢淺幾番江上延
佇

秀三祝屈左徒生日文云嘉慶十八季歲在昭陽作噩月
在畢陬二十有二日庚寅臨洮陸芝田謹以酒漿果餌之

儀香艸奇卉之品追維靈均覽揆吉日與其友某某暨屈
子五十查孫奉祠生屈士進等上壽于左徒清烈公之席
曰士有其時則忌異代則憐故韓非悵不竝查相如思得
同年然離之輒憶卽之復捐日近前而弗徇遙聞聲而慨
焉泊乎蘭陵以聖人誹譽長沙以才子播遷達人貴德有
惜逝之賦厲人憐王有成相之篇被遇合者有由致吾烏
知其所以然溯修江以選憤頹峻岳以蘊冤堯縣十日不
足以銷悵骨禹平九海不足以種憇山泉石礪而嗚咽禽
鳥怖而唱嘆天與嶺兮如割水與峽兮相連日慘慘兮絕
壁蝮噉噉兮淡山念靈均之耿介值季查之披猖豈露才
而揚已將履潔而行芳蘭可恃兮夏化椒專佞兮方張附
耳星中辯士笑而舌在細鬢宮裏美人泣而眉長靈則唏

嘯抱石裴裒褰裳顧龍門而不見託奠腹以永藏守彭咸
之遺則逐鴟夷于鴻茫嗟乎同姓無可公之義亾國無可
挽之術始則商於不入繼則武關不出蟬忘鵲兮陳軫虎
語狐兮昭卹湛盧大恡于寧皇太呂不聞于寧室然而三
戶復楚亾愈于存六里負王得不償失卒使羸與芋兮同
盡縱與衡兮共畢惟二十五卷楚賦之離憂繼七十四人
小雅之怨嫉蓀不寤兮悲回風荃不察兮思往日腸九回
而慕襄肱三折而知疾欲乘霞而出杳遠游但畫壁而問
天叱咄谷哭谿歛風吟雨泣英英如九天之雲下衆峩峩
如八表之水倒立所以炳丹穴而不朽繼素王而長述吾
生後君千七百載讀君騷舜愛君葩采潔若瑤華香若芳
蒨箕子明夷龍逢趙醢義重于山憂深于海哀哀湘纍幽

憂以死嗟嗟賈生痛弔知已我昨牢愁又窮至此唾珠玉
而文成泣瓊瑰而夢啟道何亾而何從時一此而一彼厥
徂無慍厥來弗驕居無可卜魂焉用招齊生死于羊胛浮
天地若匏瓢履君故山訪君舊井秣歸城在朝雲峯近蘭
臺之館華蕪玉米之田粟穎鄉號三閭礎有女嬃屈公之
沱子姓斯廬墓田宛在祠宇新除棺見前和像設故居依
依戀古眇眇愁余香焚蕙佩堅推玉琚立言立德誰毀誰
譽是仲尼子弓之流也豈宋玉景瑳之徒歟攝提肇歲孟
陬紀月吉蠲庚寅靈降于屆爰偕我友升君堂闕遺像則
姊笏友于明德則曾孫貽厥書畱千禩之錦心人少百年
之華髮于是珠囊麗影玉燭蚤春蘋洲落日羅韞如神敬
援卯君補生日之例敢學庚子拜經書之辰月姊歸寧兮

花滿廣寒之竈水仙流韻兮霞開碧落之垠芭待舞而樂
洽橘有頌而馨醇鳴比竹于湘浦歌鼓楫于渙津進禮會
鼓之煜爚陳詩襍坐之鱗鱗靈其折玉樹以容裔翳華芝
以翱翔雲爲車兮天爲蓋水爲珮兮霓爲裳入修門躋高
堂酌桂酒挹蘭漿愴偃蹇神樂康入不語兮出不辯晝冥
冥兮欲雨儻而來兮習雨逝爛昭昭兮未央昔之子居仁
義孫况文章虞卿感憤莊休佯狂功伐則樂望諸道德則
田子方談天者八十一海洲之說宣歿者三百六星宿之
行莫不同時竝立異地相望人有所短君兼其長神既與
天地兮比壽吾願附日月兮末光大雅扶輪于億日小山
承蓋于千霜再拜稽首神降厥祥豈獨繡絲偶沈于角黍
亦欲朱弓長挂于扶桑跡與神兮契濶心悅君兮慨忼按

歸州居首峽之險山崖峻削人物多嗚秀三此舉足以移
風易俗真是千古韻事余愛其文故錄之

顧劬峯長洲貢生誼文閎肆藁盈一二尺許喜談論古今口
若縣河館于秦觀察署時渡江來漢偕作山水游余曾題其
藏書塢圖揆芳訊詞云啟軒牖愛竹月低流松風緩奏正謝
情陶思紛入散花手青衫落拓才名著說甚因吟瘦且年年
縱覽江山徧顯亭喉豪氣尙如舊記曲顧房箏醉尋旗酒問
訊天涯同折漢南柳清弨獨抱知音感料理誼千首曾賓谷先生許
刊其寸心樓誼集伴葦書一塢白雲相守已卯自蜀歸里聞劬峯頸
患疽疾因偕老友施北覲國祚放舟吳江訪之時疾初愈十
年重晤歡然畱歡竟日而返庚辰冬復作楚游道出吳淞款
門重過則疽疾復發招人寢室握手問訊別又經年未知消

息能無天末吳雲之感

天門熊兩溟少貧力學工古文辭誣品峻潔五言出入陶謝
韋柳間著有鵝山小隱誣文集以名進士願就冷曹官武昌
教授嘗來漢上多主常芝仙家必邀余銜栢暢叙抵掌傾談
誣文外不屑挂齒也

王子若太倉州諸生善六法尤工篆刻庚午僑寓武昌嘗學
誣于顧劔峯翩翩年少文酒興豪辛未秋莫招同熊兩溟將
靜夫顧劔峯戚蘭莊常芝仙黃穀原秦芝庭大集于仙棗亭
余以將游巴山東裝就道未及赴舟中伴金菊對芙蓉詞以
寄意云夢合落岑蹟聯華水最憐知己天涯夏娛情讀畫逸
興併誣人生聚散博沙似多君勸莫負良宵朝來折簡相呼
酒伴且典秋衣偏我獨爲塵羈又行裝倥偬忽賦將離枉烟

颯繫恨水驛縈思傳栢想見高歌起應招得鶴舞雲飛推蓬
試看白漚紅葉也笑愆期

吳縣黃穀原山水蒼秀得宋元人祕法復喜閉戶吟諷不以
示人薄宦楚鄂性情疏散頗得隨遇而安之趣贅于漢口周
氏庚午漢口大火周氏被灾余時賃方岳夫屋因相招同居
歲餘辛未余遣兒子挈眷歸里穀原始他徙余亦奔奔巴蜀
然音書時達也後湖茶肆帘名第五泉者主人李安酷嗜書
畫所藏若徐青藤八大山人高淡游查二瞻及青谿石谿之
畫皆屬真蹟時縣于茶室之傍穀原獨步後湖愒第五泉茶
市誣云散步不知遠頻來第五泉品茶貪野趣讀書憶高賢
綠暗庭前樹涼生雨後天無人同領畧惆悵夕陽邊又三元
殿雨後獨坐云雨霽蒼茫滑悠然愒石傍樹中飛鳥過衣上

落花香半抹夕陽墮一聲清磬長此間有詛意朝市兩相念
熊兩溟鵠山小隱誣集襍詠云夕陽下漢口樓閣動絲絳夜
市鐙千樹春江月萬船酒殘金易盡花落玉難全壯士如鴻
鵠高歌鰈鮑篇江上遲張乙舟不至云夕陽空水合沙島一
行飛颿影樹邊出渙鐙烟際歸美人在夏口明月澹清暉江
上且高枕夢君還叩扉

仁和蔣蔣邨炯少負文譽綜覽羣籍勤于攷證由訓導推陞
德安府經歷壬午之春以公來省及夏返權過漢口余旅舍
因偕道暑于天寶庵尊酒論文清談半日別後賦詠寄余有
兩年重作漢皋游何意扁舟與君遇贈我新詞錦不如玉盤
錯落珊瑚珠示我叢設備掌故鉤抉經史窮根株貌癯如鶴
氣如虎健鼎龍文百夫舉勇兒身手老無用閉戶酸吟襍風

雨之句又雨泊漢口有感云沔漢流通萬里潮孤篷泊處雨
瀟瀟雲連赤壁波濤壯路出烏林虎豹驕百戰江山餘涕淚
三分事業付渙樸沈沙折戟何須問且倒東風濁酒瓢

按漢口地擅江山勝隣樓閣是以四方名士每泊舟于斯
者無不流連吟眺以擴習襟茲錄古今人漢口詠兼及近
皆寓公過客皆余所相識者若倡酬莫接編紵未通則不
敢錄紀閱者幸勿哂其挂漏

王櫟門喜李嘯邨重來漢口卽次元韻云相逢真意外猶作
夢中猜不畏狂瀾險多因舊雨來別家臨老慣異地見花開
莫擬山陰權春江自滄洄鴻來山館爲吳鶴關先生賦叫雲
因失侶哀感臥幽窗聊藉三間屋憑陵萬里江稻梁謀易足
燕雀笑難降終坡挑鐙坐婆婆影下雙汪松心重來漢上小

集艸堂分賦一從蘭櫂歇復聚艸堂前不但分離久爲歡各
算年秌聲在襍樹雁影落空天明日期重醉囊中尙有錢酒
樓觀傀儡稟閒意不在壺觴傀儡看他亦上場色相不堪窺
假借提攜儼自列冠裳本無生氣偏饒舌那有憂愁強結腸
粉飾由來沿習久偃師應笑怒君王喜李復堂至漢上別君
猶共臥江船此後惟牽夢裏緣忽聽扣門相見喜挑燈重語
已三年又葉碧田畱飲小樓句隔岸山如人蘊藉遠江樓對
水空明陪陳香林集水心雲影亭句平湖姓射波浮檻比戶
人歡麥在場

丹徒包雲舫遐裕以業齋客漢性慷慨能急人難放手致數
萬金亦時得時失營別業于漢陽東門外水閣風亭菱荷香
溢頗占納涼之趣包山司馬祥高其胞姪也磊落好交嘗得

性靈每有吟咏多貽燕人口如游姑蘇咏虎阜云海湧山前
水咽流鐵花巖下暫避招榜亭之鎖千竿長窟室魂銷一劍
愁空有禪心來問石更無明月去浮舟玉鳧金虎淡惆悵回
首糜城怨未休五人墓云繞市行呼氣薄霄頓教緹綺逆氛
消五人死義酬忠介一警生祠祀監刁忍使諸名埋宿艸還
同流水咽胥潮最憐風雨瀟瀟夜血汚游魂不可招他如過
馬當山句云不因世態爲牛後又逐風帆過馬當窺見一班
可得全豹矣

朱氏舊圃壘湖石構亭臺爲鵬詠地名曰怡園遺贈成卷

包山善書法購藏碑帖甚多嘗得顏平原手書三表藁墨蹟

一爲謝晉王曹王侍讀贈華州刺史表一爲謝兼御史大夫

表一爲讓憲部尚書表考之唐文俱經載入筆力遒勁自非

後人所能摹擬長洲吳雪鋒國寶書法魯公善雙鉤精鏤碑

版己巳冬僑寓武昌包山延至怡園鉤泐成冊吳以病歸未

幾逝世越三載吳弟子董素愚昌來楚始爲上石董授受有

師法形神氣韻絲毫不失識者謂高出爭坐位帖上包山自

跋云宋葉夢得少蘊避暑錄話載顏魯公真蹟宣和間存者

猶可數十本其最著者論坐位書在永興安師文家祭姪季

明文病妻乞鹿脯帖在李觀察士衡家乞米帖在天章閣待

制王質家寒食帖在錢穆甫家其餘蔡明遠帖盧八倉曹帖

送劉太真序等不知在誰氏皆有石本坐位帖安氏初析居
分爲二人多見其前段師文後乃并得之相繼入內府世間
無復遺矣宣和迄今又七百餘年墨蹟更所罕見嘉慶戊寅
仲夏獲此本於漢臯誠爲希世之寶第卷後無跋接處有花
奴半印或不僅此三表宋南渡後購收古今名物多曹勳龍
大淵鑒定二人目力甚短往往剪去前人題語元明二代亦
竟無題識或近世牟利之徒截留跋語以續贗本圖售重值
此表之跋爲其遺割亦未可知至墨蹟濃淡勾改塗抹處要
非後世所能假摹識者自能鑒之此藁未見刻本遲速有時
海內嗜竒之士必以先覩爲快因摹勒上石廬山旣有真面
目固不在跋之有無矣其精鑒如此包山嘗書金剛經小楷
全部又臨穎上本蘭亭麻姑仙壇記剛健中具有秀潤之致

無間日輟復善懋遷術嘗得顏魯公手書三表藁又岳武穆
手書前後出師表皆真跡古香墨寶在所罕覩復得朱氏舊
圃葺而新之名曰怡園湖山石階花竹徑紆亭館池沼位置
咸宜滌波山房最爲疏散圖書彝鼎錯陳其間爲漢上勝地
包山復延余兒子壽課訓其子畱園中二載斯時往來名士
若襄遠許叔翹所望錢唐袁真來遲長洲吳雪鋒國寶皆有
倡和之作至樓頭月色竹外雪聲領畧眺吟于晨夕者則與
江蘅許載舟源淦丹徒唐仲遠舒及包山胞姪硯農長丞爲
多硯農善長短句已卯余自蜀下漢會以新詞一卷見示余
賦瑤花一解題後並送其赴廣陵云峽山雲棧萬里橋邊嘆
年年漂泊么弭獨撫曾未有相與句烹詞琢惡谿蠻洞只消
受雨風昏替待片颿東下岷江幾度夢驚郵角漢臯春太恩

恩且暫解征塵重問吟約初投編紵喜同調好按紅牙商榷
新聲一卷又誰料中裏離索却便定烟月揚州唱徧家家簾
幙蓋余客槎爲七年僅與丹徒嚴麗生孝廉學滄巴蜀郵筒
倚聲酬唱迢迢千里竟未一面爲悵故遇同調不禁依依也
許叔翹工詩文膂力過人復精槍法焮闔屢躡僮教匪爲逆
從軍大府畫攻守策團練鄉勇兩敗賊衆授職不受而退亦
奇士也芝仙贈詩云汪倫嘗說項覲面落花時汪均之曾向
余稱賞君不
置君來漢
時值三月屢畫諸侯策聞吟八卷詩君著有蔬園
詩集八卷英豪堪自
賞風雅亦我師垂老拋長劔蔬園隱最宜又題其詩後云鶴
髮飄飄志不灰丈夫安有事毛錐集中有一劔當
曾不著書之句霄懸三尺
光芒在曾向淮黃殺賊來談兵說劔氣縱橫落葉飛花琢句
清倚馬揮豪看艸檄旁人休認魯諸生

同人力勸上石附於魯公三表後

又嘗得岳武穆手書前後出師表裝洪兩手卷尾跋云紹興
丙申奉命西征過南陽避雨武侯祠秉燭看壁間詩文讀至
前後出師表不覺淚如雨下是夜竟不成眠來日雨尚不息
道士出長卷索書生平最愛米元章筆勁力適故用其法爲
此二表聊釋鬱悶耳秋八月岳飛并識讀之其忠君愛國之
心凜凜如在包山亦將泐石行世

包山詩不多作而饒有佳句山游云寒雲墮荒野朔風啓積
陰初日早出谷連嶂露嶠嶽雍容閒余步徑峴氣蕭森俯仰
發長嘯聊以豁塵襟昔時桃李花今來霜露侵馳驅猶奔箭
轉睫不可尋美人感遲暮踟躕多苦心願言策高足毋爲坐
銷沈擣衣篇云織雲四卷月如練蕭颯風催檐鐵戰攬衣寂

靜下庭階蟋蟀喧秋人不見井梧搖落井泉乾輓轆千尺腸
俱寒擣衣擣衣聲不止聲聲應入羈八耳回頭空幙秋氣涼
爲君添製錦衣裳別來瘦損難意量密密緘愁緘線長衣在
妾邊君應單擣衣容易寄衣難覆衣滅燭上牀去夢中忽到
遼陽路觀鬪蟋蟀有感云渺爾寒蛩力居然賈勇前兩雄爭
壁壘衆目定媿妍得意長鳴翅輸心暫息肩半閒堂裏客經
注亦堪憐舟泊小孤山云巍然如海島孤立出江間樓閣參
差起峯巒曲折攀振衣開眼界回首渺塵寰此日舟停處盟
瀾興自閒秋砧云何處秋砧急更深度畫牆紛紛催落葉漠
漠動寒霜搗入鄉心碎驚回旅夢長朱樓歌舞處誰識斷人
腸江鷗云浩蕩長江外忘機不識愁破爛飛拍拍逐浪狎悠
悠沙渚留踪跡浮沉任去留夕陽烟水濶萬里獨神游桃花

夫人廟云隄畔桃花發幾枝香風吹入息媿祠祠邊古月明
如舊曾照三年不語時渡江云一江春水碧溶溶兩岸青山
列畫中乘興挂帆爭晚渡夕陽低映入疎篷寒鴉云秋風蕭
颯起層陰烏鵲投林噪夕曛只爲衝寒覓棲止亂翻紅葉落
紛紛雁來紅云秋來百卉半闌珊爲報霜風晝掩關聽雁
聲雲外起一時花放盡紅顏他如斜日一簾茶正熟落花滿
地燕初來眼底江山皆畫本雲中雞犬自人家皆清婉可記
包山長子學齋良俊豪邁有父風胞姪硯農良丞年少翩翩
喜交游善長短句已叩余自蜀下漢會以新詞一卷見示余
賦瑤花一解頗後竝送其赴廣陵云峽山雲棧萬里橋邊嘆
年年漂泊么弭獨撫會未有楮與句烹詞琢惡谿蠻洞只消
受雨風昏替待片颿東下岷江幾度夢驚郵笈漢皋春太恩

忽且暫解征塵重問吟約初披縞紵喜同調好按紅牙商摧
新聲一卷又誰料中裏離索却便宜烟月揚州唱徧家家簾
幙蓋余客槎爲七年僅與丹徒嚴麗生孝廉學塗巴蜀郵筒
倚聲酬唱迢迢千里竟未一面爲悵故遇同調不禁依依也
許叔翹工誣文膂力過人復精槍法妖闖屢躓值教匪爲逆
從軍大府畫攻守策團練鄉勇兩敗賊眾授職不受而退亦
奇士也芝仙贈誣云汪倫嘗說項覲面落花時汪均之曾向
余稱賞君不
置君來漢
時值三月屢畫諸侯策閒吟八卷誣君著有蔬園
集八卷英豪堪自
賞風雅亦我師垂老拋長劔蔬園隱嚴宜又題其誣後云鶴
髮飄飄志不灰丈夫安官事毛錐集中有一劔當習不著書之句習習懸三尺
亮芒在曾向淮黃殺賊來談兵說劔氣縱橫落葉飛花琢句
清倚馬揮豪看艸檄有人休認習諸生

叔翹翹芝仙誣云當塗故國舊居隣君先籍當塗枋裏遠古
當塗國太平府之當塗

乃僑
置也江漢浮家水抱門詞客有靈鸚鵡賦美人遠嫁明妃邨

袖翻碧月逢常建酒近青山戀許渾計日挂颿洞庭去如君
雲夢已先吞

吳雪鋒書恣顏魯公又善雙鉤精鏤碑版包山擬以魯公墨
蹟鉤泐上石因延于怡園居數月忽以事歸吳未幾逝在惜
哉芝仙有誣贈之云吳門吳季子清癯鶴標格家無二頃田
四壁但書籍昔游梁趙間公卿迓虛席今來江漢上乃佗依
劉客篆隸追斯逸筆端森劔戟眞書樞魯公雄健攝精魄餘
技夏通神雙鉤妙無跡操刀鏤碑版海內聲譽赫我亦愛臨
池逢君心莫逆小巫見大巫靈通借誘掖君才尙如此而我
復誰惜相看兩鬢斑且遂烟霞癖不必問升沈與君浮大白

漫志袁真來別駕隨園先生嗣君也與余別于袁浦十數年矣漢上握手時從談醜嘗云久耳月湖名停橈之次日卽步揆隄邊春色真山真水直欲駕虎阜平山而上殆洪谷子得意筆也其欣賞如此予月湖柳枝詞有云問誰下馬先攀取要算袁絲是解人蓋指真來也

丹陽丁義門

以誠

號雲峯工山水少時獲見元明各家墨跡

不少是以下筆邱壑多有淡致又善寫真韻形兼勝年六十餘目力不衰寓漢上大王廟僧舍幾二十載好事者無不乞其傳神以爲珍寶雖閨閣中亦聞名延寫呼爲丁先生云壬午九月八十稱鵬芝仙賦詛以祝云雲峯先生老畫姿古貌古心古鼎直倦看金焦兩眼青雲夢還來吞八九花宮安硯興憐然懶去熱場事奔走擅長家學虎頭凝尊甫先生下筆

貌難避妍醜于邱萬壑滿胸中六法直向倪黃取大幅小幅寫縱橫問誰筆墨同不朽烟雲供卷葆精神富貴浮雲幻蒼狗廿年滯躋漢江濱坎壈纏身亦常有在人造之必攢眉先生晏如開笑口今逢八秩綺筵開同人登堂奉觴酒紫蟹黃花正及時花下何妨飲一斗芝仙採得金芝來願翁餐衍彭聃壽

潛江甯雙梧孝廉

熙朝

字柑堂少苦學工文尤溺于詆性樸

實無華喜交游庚辰計偕缺資斧乃附舟東下吟覽吳越山水時有故交漢上劉碩夫邦彥官姚江書招下榻署齋因哀途中誣題曰庚辰游艸爲付梓人漢江解纜云臥聽隣舟語起看江水生催颿挂初日夾岸應鳴鉦黃鶴回頭渺青山拱手迎年年吳越夢今喜遂南征

同里蔣嗜山履泰芝坪坦昆季皆余總角至好也以先業存

天門之岳日故伯仲互相往來吳楚與雙梧稱莫逆交辛巳

季冬雙梧來漢介嗜山尺素訪余客舍因畱小任半月地近

卑諠歲將殘莫塵市中兩人每夕篝燈高論尊酒狂吟比隣

聞之感為賦恠雙梧題余詛藁云江漢三千里巴歛七八年

諸侯爭埽榻餘子漫隨鞭此集凡三變成名豈偶然請從蘭

晚譜竝向 國門懸君刻有茗谿漁

詹湘亭明府時宰漢陽訖雅揚風為士林推重雙梧與之有

舊投刺一謁外餘不屑往也嗜山喜購古本書以及名家書

畫藏于蠹書斲硯之樓非識者不以出示芝坪警敏機變練

達多才善與人交不渝終始曩余旅困健為山川間阻得以

家書時達皆芝坪之力也

怡園十二景畫册題者甚眾余最愛漢陽馮芝軒國恩諸作

恣麗可誦其咏亭北春紅云玉欄干外淺淡紅姚魏同時拜

下風香遠莫愁簾幕隔色嬌原在綺羅叢芳華絕世春無價

讌賞經旬酒不空欲賦清平慙未稱騷壇還讓主人翁廊西

秋碧云西風蕭瑟動園林吹老梧桐秋漸淡待月忽驚新漏

影繞廊猶是舊成陰涼生金井青浮檻露浥珠簾翠濕襟對

此詩哀轉寥廓幾番倚樹發高吟仄徑竹淡云一林修竹徑

參差簌簌聲中解籜時長願對君祛俗態也堪留客賦新詛

繁陰匝地全忘暑濃影搖風半覆池雨後萬竿青玉立此間

佳趣幾人知澄池荷靜云池中三十六鴛鴦蓮葉田田淡護

藏綠水近依名士幕紅衣如對美人妝花从靜處看逾豔境

到幽時覺倍香折得碧筒招客飲臨風不惜盡千觴薇架花

香云一架濃香滿院春
嫣然含笑似迎人
光凝蛺蝶窺叢見
頰染胭脂着色勻
不慣禁風偏嫵娜
偶然帶雨亦精神
錦袍往事豪華甚
誰是當筵賦手新
蓉屏月影云羣英
逐漸萎秋霜尚有芙蓉
獨自芳
九疊屏遮花爛熳
一輪月照夜昏黃
徘徊似顧風前影
明豔如窺鏡裏妝
也是人間好顏色
不隨桃李媚春光
小山叢桂云
小山秋色似淮南
礪戶巖阿取次探
老幹拂雲翰
蠹蟲天香經雨散
菴菴欲供清賞枝
攀一爲隼幽人徑闢
三我亦平泉莊
上客薌林風景性
尤耽曲磴古梅云
不合時宜不傲時
年年老樹發新枝
此花幾世能修到
明月前身未可知
磴側多栽松竹伴
春來獨具雪霜姿
古心古貌憑誰寫
應乞華光作導師
曉石洞天云
摩天峭壁石巉巖
洞府清幽隔翠巖
自是高人甘小隱
由來仙境異塵凡
斑斕

瀟徑封蒼蘚
偃蹇當門植古杉
聞有瑯環新著述
叩肩願得一開前
懸巖瀑布云
泠泠瀉出一泓清
界破青山大
有情風急亂翻珠
錯落崖高碎滴玉
瓊瑤聲如水
樂松間奏景憶匡廬
月下
行顧我詞源曾似此
奔流倒峽使人驚
平臺歌舞云
平臺菴畫隱林巒
選舞徵歌興未闌
紅粉兩行花影亂
霓裳一曲月華寒
若能顧誤同公瑾
人羨風流比謝安
指點東山尋樂地
心隨魚鳥共盤桓
高閣琴書云
君家高閣卽名山
富在千秋在此間
不比儒生事章句
却欣風雅許追攀
銀鈎珍重遺文古
綠綺清調永晝閒
試啓雲窗窮遠目
隔江蒼翠擁烟鬢
芝軒少時酷嗜吟
咏曩余館吳氏
攬蒞山房曾以誼
卷商榷近與江都
胡子安元儀徵許墨卿源滄丹徒唐仲遠詞反兒子瀟詞下榻怡園酒邊
花下吟與甚豪亦一不易才也

胡曉嵐德明一字東海老人江都人僑寓漢口余向識之於
鮑筠莊客館醇謹渾厚有儒者風善書法夙爲常芝仙所推
重今年垂八十興復不廢臨池揮灑逸趣橫生有時邀客奕
碁局終掀髯大笑不以勝敗攖心平居敦篤善行老而彌切
江漢相距一水往來帆檣如織每遇暴風往往有沈溺之患
雖有官設救生船隻江面遼濶不能徧及老人心焉憫之於
施救事宜籌之已久曾太守沈公亦以此勸募地方老人聞
之曰是可以成吾志矣因命其子元謀之同志之士創議於
晴川閣設局置船爲救生會所自癸未迄今僅三載賴以救
活者甚衆此善之大者他如修橋梁振貧乏施藥餌覓善靡
弗爲爲之靡弗力又嘗手書梓潼帝君陰騭文泐石於晴川
閣俾登眺者讀之油然而生爲善之念其生平行事類如此

宜其晚年精神矍鑠蘭玉森立所謂積善之家必有餘慶也
丹徒唐仲遠舒英雋豪邁倜儻不羈少受業於荆溪周保緒
以事來漢包山延之怡園機性警敏人咸推其有幹練才
詩筆矯健其幽居云幽居遠塵市入山春滿林白雲遠吾目
鳥聲閒吾心塵沙飛濛濛安能沾我襟鴻鵠遠羅弋翩翩來
江濱胡不振六翮直上青雲岑善長短句與硯農倡和最多
虞美人咏柳影云非烟非霧春無主不盡銷魂樹送君遲到
月黃昏又是滿庭難埽別離痕參差不定明還滅欲贈何堪
折者番情緒已成空燕子怪他頻翦恰重重

巴樹蕃字碩民一字鞠農歙人理禹筴客漢久廣交游自摺
紳以及閭巷無不知其名者尤能惡人之惡以故有小孟嘗
之目涉獵書史耽詩遇人詩中有佳句則低徊諷誦一往情

漢記其咏明妃一絕云青塚猶懸漢月明千秋埋骨不埋名
試看圖畫功臣閣秋雨秋風滿渭城棲霞嶺云寃成三字孰
批鱗不醉黃龍恨不伸北塞肯容歸二帝西湖甘舍葬孤臣
功類一旦金淪汴論定千秋鐵鑄秦嶺上南枝休涕淚冬青
杜宇更悲辛俱沈鬱頰挫可誦

洪旃林誰園蓄孔雀雌雄各一伏卵成雛年得數羣如禽譜
所云三年後金翠徧體翎長三四尺春日對客開屏宛轉就
人而舞此禽本羅江野生之物今養於家園中伏雛成隊馴
擾如家雞亦異事也年來更闢荷池寬盈十丈築方墩建亭
其上榜曰得月界以柳堤渡以石橋較前更增軒殿旃林園
居雜咏有神游太古羲皇上人在蒼茫雲水間希有堪誇雙
孔雀伏雛成隊伴幽棲之句蓋紀實也

甯鶴軒廷楫字濟川潛江諸生雙梧孝廉之尊甫也雙梧嘗
誦其後湖一絕云四圍軟翠漾湖光暑後無風天亦涼最好
茶樓淡夜坐月明知水憶瀟湘風韻絕佳

歸安孫焯濤叔好學能文屢傷藉藉以貧故慕游楚北飢驅

僕僕率無寧歲與余同里交三十年矣嘗記其漢口別余及

張苧邨云相見倍相憐淡情勝昔年與君俱逆旅此別轉悽

然落日明流水長風送去船登臨空有約孤負好晴川時約

川隔未果又丙子春日重至後湖有感云映隄拂面柳絲斜不見

黃花地上花估客那知興廢事討春依舊門繁華泊漢口望

大別山作云浪游幾度此經過可柰畱無十日何獨倚篷窗

看大別空教添得別愁多時將至

閔焯舫文者初名大綸舊爲吳興著族其先世宦游山左明

季遷徙漢上，炀舫長身修髯，貌頗偉性傲岸，不拘嗜作韻語，不事鉤深抉幽，嘗手錄古今人詩數十冊，操觚染翰，兀兀窮年，雖炊烟欲斷，悉置不問，復愛書畫，時過骨董家，詢視遇有佳者，輒衣購之，不吝更好，觀人奕常備酒菓，以招奕者，奕者殫思苦心，以爭劬殺，而炀舫則起伏相忘，勝敗不關，局罷，掀髯大笑，漢上春時燈市甚盛，好事者巧製燈謎，懸于戶外，設文房各物以酬中者，炀舫尤酷嗜之，聞有燈謎處，無不到，更闌人散，猶獨立，衰衷若不忍去者，歸必紙筆攜滿袖，恒欣欣然，有喜色，人笑其癡，因自號五癡居士，曩倩人寫小影，作荒山古木一人孤行狀，題曰古道獨行圖，乞人題詠甚多，其風趣如此，著有五癡山人藁，後湖茶社遠眺云：小步初離市，湖天望渺冥，雲來炀水白，雨過遠山青，追暑呼佳茗，尋詩倚曲

櫺，幽情羨漁者，歌檠度前汀，又絕句云：蕉窗兀坐靜無譁，風鼻鑪烟故故斜，一枕清涼消午夢，自烹活水試新茶，句如有水皆通閣，無山不對窗，買花償古硯，得畫典春衣，按書如訪舊，覓句欲翻新，時究冷暖無難料，花事榮枯總不齊，得句常嫌敲字苦，遣情翻爲種花忙，皆脫口成佳句也。

傅華堂，一字楓，船行十三晉之故，絳人，年甫十齡，卽失怙，恃依孀嫂，氏撫育成立，幼聰慧，讀書善悟，及長，達事理，與同鄉巨族尉氏葭苳親，聞其能，聘司淮南馬筴尉，氏有業在漢積久，多叢脞，華堂至，釐剔積弊，業爲之復振，巖網重任，郵華堂遇事贊成，處一切交游，傾肝膽，重氣誼，人咸稱其長者，其事嫂甚敬，禮義不稍訾，不冠，不見，每事必咨，有馬伏波，張禹玉之風，念嫂氏撫育之恩，常思所以報之者，先舉一子，卽

請其命名立爲後將請旌以表其志并命其子爲請褒封常
遠游別嫂有句云含淚理行篋恩勤憶昔時回看雙鬢白圖
報莫教遲其至性纏綿有流露於不自知者矣

姚小山必遠原籍皖江爲桐城四姓之一先世以都闕遠宦
安龍漢鎮地當孔道遂遷家於楚父與兄相繼業淮鹺小山
幼慧展卷過目卽成誦試童子屢冠前列不得志於司衡因
投筆筮仕於兩淮旨指器其才極引重有忌之者沮其用去
而席世業善持籌每歲額運逾楚省之半然能勇退不自滿
也爲人尚謹氣重然諾柔不茹剛不吐有以患難告者必拯
之有以困苦告者必賜之雖巨金不吝遇公私事之糾紛者
入手卽迎刃而解排難解紛人依賴之性尤豪邁曠達不羈
歌場酒盞無虛日然不以廢事游讌之暇間爲歌詩皆本於

